



Inipan micque inahuiyanime ichpochhuan yezquia in Moteuhezomatzin quitoque in XPTIANOME huallazque cihuayehuantin in mochpochhuan. Quito in Moteuhezomatzin. Tlaquicaquican in Mexica. Inipan acico CASTILLANTlaca ye cempohualli on macuilli DE NOVIEMBRE, ipan QUECHOLLI oquiuh matlaquilhuitl tacizque in QUECHOLLI niman ic hualmoma Izcalli.  quahuitlehua Xillopetli. Toxcatl. Inipan in Toxcatl inahui in Cuicoyanohuaya inic peuh in cuicoyanoliztli, zan quitla in Moteuhezoma quilhui in Malintzin Tlaquimocaquiti in teotl caotonacico inilhuiuh in toteouh ca axcan matlaquilhuitl. Auh inin azaocteconquixtia ca tlemataizque cazan tititozque iniquac in ye quitlecahuia in tzoahualli tellicahuacazque ca zan ye ixquich. Auh niman quito in CAPITAN ca ye qualli maquiehihuazque ca oniccac. Niman icompeuhque quimilochtito in ocequintin huallaca CASTILLANTlaca, zayehuatl in Tonatiuh mocauhtia. Auh iniquac in oacito inintlapohualpan niman ye quitohua in Moteuhezoma. Tlaquicaquican ininantzitzinhuan caizcatqui. Quinquilhui in teotl caotacico inilhuiuh ipan in toteouh catoconilhuiquixtilizque. Niman quito xiechihuacan in axcan quentonyezque, niman quitoque in pipiltin. Tlaquinhualnotzacan in tiachcahuan auh ino onyaque niman ye quin nahuatia quimilhuia. Cenca oc ye toconana inyuh mochihuani auh quitoque in tiachcahuan Mazanchicahuac mana. Niman quito inecatzin tlacatecatl Tlaxic mocaquiltican in tlacatle tixpanca inyuh mochiuh in Chollolan in zan quincaltzacque in axcan manoyuh techiuhiti macecentepantli chimalli totlapiel mochihua. Niman quito in Moteuhezoma. Cuixtoyaopan in ticate momotelchihua, niman quito in tlacatecatl, ca yequalli. Niman ye ic pehua in Cuicatl inteyacana telPOCH tequihua tezacaatl conaquia itoca tolnahuacatl quatlazol inopeuh cuicatl niman ye ic cecenyacahualquiza in XPTIANOME tetlan quiquiza niman ic nanahuintin momamanato in quixohuayan, niman ic contlacohuitequito in teyacana cetlacatl, quiyacahuitecque inixiptla DIABLO; niman qui mon mahuihuitequito in tlatzotzonaya; ca ontetl inin huehueuh centetl atempa qui tzotzonaya niman ye nequequetzallo yeicopolioua, niman ce tlacatl tlenamacac acatl iyacapan hualitztia tzatzitihuitz quitotihuitz. Mexicaye tleamoyaocac yolloquimati aquique inin macmanimalchimalli. Iniquauh zan ac xoyaquahuiti inoquittaque niman ye motepotztica yuhquin za motupeuhitiaque niman ic o mocaltzacque. Inipan caltzauhcticatca. Etzalqualiztli cempohualtica, ipan Etzalqualiztli inichtacahuat quiz initlatol in Moteuhezoma quimilhui in tiachcahuan. Tlaquicaquican in Mexica caye omilhuitl in atlequiqua inimizahuan in teteo otlatlan in tolcuextli in quinqualtia. Auh in axcan ye ontetl in comontihuetzi. Auh inin maoc moxonexcaltican in tiachcahuan ma amotipoliuhiti ca in nezca in tacheahuan. Niman quitoque ca ye qualli, niman ye monahuatia zan yo hualtica in callaquia in mazatlaqualli. Auh niman hualla in CAPITAN iquac in ye no chicomilhuitl ipan necallihuac ipan in


yaque *Tlaxcallan* in Tecuilhuitontli iquac mic in Moteuhezoma ino on mic niman qui hualmamaltique in itoca Apanecatl, niman ompa quihuicac in huitzillan zan ye ompa quihualtoaque yenoye ompa quihuicac i Necatitlan zan ye ompa quihualmiminque yenoye ompa qui huicac in *Tecpantzinco*, zan no quihualtoaque yenoceppa quihuicac in acatl iyacapan quin ye ompacunque quito in Apanecatl. Totecuiyohuane motollinia in Moteuhezoma cuix nicmamatinemiz, niman quitoque in pipiltin. Xoconanacan, niman quimontequihuitique in Calpixque niman quitlatique. Niman Hueeytecuilhuitl Tlaxochimaco Xocotlhuetzi, *Ochpaniztli*, in on motlatocatlalli in *Cuitlahuatzin*, niman ye *Quecholli*, ipan mic in *Cuitlahuatzin*. Panquetzaliztli, niman ye Atemoztli Tititl Izcalli *atlcahuallo*: inipan on motlatocatlalli in *Quauhtemotzin*. Tlacaxipehualiztli in quimonpeuh Chalca, ihuan *Xocotitlantlaca*, niman quittaque tehuan mohuahuanque. *Tozotontli*, ipan in micque pipiltin. Tzihuacpopoca; Xoxupehualloc, Tzihuactzin, Tencuecuenotl, Axayaca, Totlehuicol. Inic micque Tzihuacpopoca quin nahuati in Quauhtemoc amantlan tlenamacac quimilhui. In tiachcahuan ye omilhuitl in notlan hual cecemilhuitia in Tzihuacpopoca maitlanehaiti. Niman quitoque in Tiachcahuan macaquimoyolli tlacalhui in tlacatl tlacoculizeuitiz maticcahuacan mayauh. Niman ye monahuatia in tlamacazque no yehuantin in tiachcahuan intemictizque, niman ye quitetemohua in oquittaque mohuehuetzquillitihui in Quauhtemotzin, niman iquech tlanacato quilhuia Oc xihualla on niccauhtze. Niman ye quihuhuitetequi Hueytozotli, niman ye Toxcatl, Etzalqualiztli ipan intech cempohualtique in XPTIANOME Tecuilhuitontli, Hueytecuilhuitl, niman ye Miccailhuitontli. Ic napohualtonatiuh inicaxihuac Mexicayotl Tenocheayotl.



*Roi qui succeda a Montezuma
et qui mourut de la petite verole.*



Ieto. tlatohuani Ochpaniztli in on motlatocatlalli Cuitlahuatzin, zan napohualilhuitl tlatocat Quecholli tiami inipan mic totomonaliztli, inicomie iquac yaque in Tlaxcalla CASTILLANTlaca.



Roi qui fut fait prisonnier par Cortes qui le fit torturer et pendre.


Le 11. in tlatohuani ipan in motlato catlalli Quauh-temoctzin, ihuan oncan moyahuac in Mexicayotl Tenocheayotl iquac hualcencalacque in *Españoles*.

El año 5 acatl (1523) hubo un eclipse de Sol el dia 8 de Octubre, segun esta historia.

Símbolo de los años



Símbolo de los días



FIN DE LA COPIA.

Berlin, 22 de Enero de 1890.

Antonio Peñañiel